

46511





原件短缺

1~2頁

•



端于先生者也于是取  
累朝訓錄方國紀志與家乘野



史門分類別採而緝之自

禁中之副名山之藏通都大邑  
之傳畢登于簡一代史材犁然  
大備茲錄固其一爾當是時使

先生從容

禁林次第筆削日月不刊唾手  
可冀而為時所忌歸卧東山廣  
內之儲匱而在笥豈不惜哉然  
先生意不忍忘時為讐校緒成  
其業多至百二十卷蓋其目廣

于列卿者什五其人多于琬琰  
者什七至折衷是非綜校名實  
闕疑而傳其信斥似而采其真  
所謂其義則其竊取之先生于  
此實有獨鑒異乎徒事網羅靡  
所澄汰愛竒好異或濫情實者



矣學士大夫嚮往此書借觀至  
于簡渝傳寫為之紙貴乃從友  
人茅生之請取畀之梓然每類  
間為梓者有所裁避先生意雖  
任之而成書具存異日發其大  
全固可俟也此錄出而一代之

人材政事如指諸掌覽者資之  
為政鑒作者資之為史材如先  
生自謂者所裨豈其微哉余嘗  
觀古來作者後先相踵史才實  
難其人昌黎文起八代之衰至  
為順宗實錄何濶略也又以避

趙守默重為柳州所譏眉山寸  
氣從橫俯視千古友人用史事  
推之以寸非當家遜不敢任退  
而處于廬陵之後史之難其人  
也如此當吾世而有先生豈非  
盛事

國朝之史有專官無專業自會  
要輟編木天諸儒不領著作簪  
筆紀言

起居章奏而外未有聞也史之  
難其書也如此當吾世有先生  
而為此書又豈非盛事余誠願




上一日大開金匱石室徵先生  
典之緒成正史垂諸萬世執此  
以往先生得無意乎即不然而  
詔賜筆札錄副

禁中私家所藏褒進為公史如  
班書故事固東漢以來作者之

殊邁也昔劉子玄手著史通掎  
摘古人不遺餘力至身為史官  
以作非一人詒書僚長徒抱汗  
青無日之歎如先生與眾共業  
退矣而猶思儲一代之史材以  
信今傳後人之度量相越不亦



遠哉天下事何不可為也于是  
乃益信賢者之有益于人國矣  
萬曆丙辰同里晚學顧起元撰



焦太史編輯國朝獻徵錄

總目

卷之一

宗室

卷之三

戚畹

卷之五

公一

卷之七

侯一

卷之二

宗室

卷之四

駙馬都尉

卷之六

公二

卷之八

侯二

世封

續封侯

世封

除封  
衍聖公  
追封

除封  
追封



卷之九

伯一 世封

卷之十一

中書省

卷之十三

內閣 二

卷之十五

內閣 四

卷之十七

內閣 六

卷之十

伯二 除封 追封

卷之十二

內閣 一

卷之十四

內閣 三

卷之十六

內閣 五

卷之十八

詹事府 一

卷之十九

詹事府 二

卷之二十

翰林院 一

卷之二十一

翰林院 二

卷之二十二

翰林院 三

卷之二十三

南翰林院

卷之二十四

吏部 一

卷之二十五

吏部 二

卷之二十六

吏部 三

卷之二十七

南吏部

卷之二十八

戶部 一



卷之二十九

戶部二

卷之三十

戶部三

卷之三十一

南戶部一

卷之三十二

南戶部二

卷之三十三

禮部一

卷之三十四

禮部二

卷之三十五

禮部三

卷之三十六

南禮部一

卷之三十七

南禮部二

卷之三十八

兵部一

卷之三十九

兵部二

卷之四十

兵部三

卷之四十一

兵部四

卷之四十二

南兵部一

卷之四十三

南兵部二

卷之四十四

刑部一

卷之四十五

刑部二

卷之四十六

刑部三

卷之四十七

刑部四

卷之四十八

南刑部一



卷之四十九

南刑部 二

卷之五十

工部 一

卷之五十一

工部 二

卷之五十二

南工部 一

卷之五十三

南工部 二

卷之五十四

都察院 一

卷之五十五

都察院 二

卷之五十六

都察院 三

卷之五十七

都察院 四

總鎮

卷之五十八

都察院 五

總督

卷之五十九

都察院 六

督儲  
漕河

卷之六十

都察院 七

巡撫

卷之六十一

都察院 八

巡撫

卷之六十二

都察院 九

巡撫

卷之六十三

都察院 十

巡撫

卷之六十四

南都察院

卷之六十五

道御史

卷之六十六

南道御史

卷之六十七

通政司

南通政司

卷之六十八

大理寺



卷之六十九

南大理寺

卷之七十

太常寺 南太常寺

卷之七十一

光祿寺 南光祿寺

卷之七十二

太僕寺 南太僕寺

卷之七十三

國子監

卷之七十四

南國子監

卷之七十五

順天府 應天府

卷之七十六

鴻臚寺 南鴻臚寺

卷之七十七

尚寶司 南尚寶司

卷之七十八

太醫院

卷之七十九

欽天監

卷之八十

六科 南六科

卷之八十一

中書科 行人司 督府幕 錦衣幕

卷之八十二

北直隸

卷之八十三

南直隸

卷之八十四

浙江一

卷之八十五

浙江二

卷之八十六

江西一

卷之八十七

江西二

卷之八十八

湖廣一



卷之六十九

南大理寺

卷之七十

太常寺 南太常寺

卷之七十一

光祿寺 南光祿寺

卷之七十二

太僕寺 南太僕寺

卷之七十三

國子監

卷之七十四

南國子監

卷之七十五

順天府 應天府

卷之七十六

鴻臚寺 南鴻臚寺

卷之七十七

尚寶司 南尚寶司

卷之七十八

太醫院

卷之七十九

欽天監

卷之八十

六科 南六科

卷之八十一

中書科 行人司 督府幕 錦衣幕

卷之八十二

北直隸

卷之八十三

南直隸

卷之八十四

浙江一

卷之八十五

浙江二

卷之八十六

江西一

卷之八十七

江西二

卷之八十八

湖廣一



卷之八十九

湖廣<sub>二</sub>

卷之九十

福建<sub>一</sub>

卷之九十一

福建<sub>二</sub>

卷之九十二

河南<sub>一</sub>

卷之九十三

河南<sub>二</sub>

卷之九十四

陝西

卷之九十五

山東<sub>一</sub>

卷之九十六

山東<sub>二</sub>

卷之九十七

山西

卷之九十八

四川

卷之九十九

廣東<sub>一</sub>

卷之一百

廣東<sub>二</sub>

卷之一百一

廣西

卷之一百二

雲南

卷之一百三

貴州

附交趾

卷之一百四

行太僕寺

苑馬寺

卷之一百五

藩府僚

卷之一百六

左右都督

卷之一百七

都督同知

卷之一百八

都督僉事



卷之一百九

錦衣衛

卷之一百十

都司

卷之一百十一

各衛

卷之一百十二

孝子

卷之一百十三

義人

卷之一百十四

儒林

卷之一百十五

藝苑

卷之一百十六

隱佚

卷之一百十七

寺人

卷之一百十八

釋道

卷之一百十九

勝國羣雄

卷之一百二十

四夷

總目

終

焦太史編輯國朝獻徵錄

焦太史編輯國朝獻徵錄卷之一目錄

宗室一

懿文太子

秦王世傳

秦愍王

秦簡王

秦定王

沂陽安裕王

晉王世傳

晉莊王

慶成端順王

西河恭定王

周王世傳

周定王

周憲王

鎮平恭靖王

博平恭裕王

南陵莊裕王



四輔國將軍同

奉國將軍安河

鎮國中尉睦擘

楚王世傳

楚昭王

武岡王

齊庶人

潭王

趙王

魯王世傳

魯靖王

輔國將軍當濱

奉國將軍健根

輔國將軍觀炊

蜀王世傳

蜀獻王

蜀定王

湘王

代王世傳

靈丘榮順王

靈丘端懿王

肅王世傳

肅靖王

遼王世傳

慶王世傳

安化真鍮

寧王世傳

庶人宸濠

寧獻王

寧靖王

弋陽端惠王

樂安端簡王

奉國將軍多煌

奉國將軍拱柄

奉國將軍拱搖

奉國將軍多燧

輔國將軍拱概

岷王世傳

南渭莊順王

谷庶人

韓王世傳

韓恭王



襄陵莊穆王

瀋王世傳

安王世傳

任太史編輯國朝獻徵錄卷之一

宗室一

懿文太子傳

鄭曉

懿文太子標母

高皇后元乙未九月生於太平陳

廸家上為吳王立為王世子從宋濂受經吳元年辛

十三矣

上遣世子及弟謁臨濠墓諭曰世稱商高

宗周成王為守成令主高宗舊勞於外成王早聞無

逸之訓皆知小民疾苦故其在位勤儉不敢驕逸見

生長富貴習於宴安今出旁近郡縣遊覽山川經歷

田野因道途險易以知鞍馬勤勞觀小民生業以知



衣食艱難察民情好惡以知風俗美惡卽祖宗所居  
訪求父老問吾起兵渡江時事識之於心以知吾創  
業不易又命中書省擇官輔行凡所過郡邑城隍山  
川之神皆祭以少牢過太平訪廸家賜白金五十兩  
至泗濠以 上意告祭祖考妣考妣及兄姊墓是冬  
從上觀郊壇令左右導之農家徧觀其服食器具又  
指道旁荆楚曰古用此爲朴刑以其能去風雖傷不  
殺人古人用心仁厚如此兒念之洪武元年正月立  
爲皇太子帶刀舍人周宗上書乞教太子 上嘉納  
中書省都督府放元制請以太子爲中書令不許曰

兒年未長學未充更事未多宜尊禮師傳習經傳博  
古通今識達機宜他日軍國務重皆令啓聞何必爲  
中書令乃選勲德老成舊人動有典則及新進之賢  
者兼領東宮官於是左丞相善長右丞相達中書平  
章錄軍國重事遇春兼太子少師少傅少保右都督  
馮宗異兼右詹事 中書平章政事胡廷瑞廖永忠李  
伯昇兼同知詹事院事 中書左右丞趙庸王溥兼副  
詹事 中書叅政楊憲傅瓛兼詹事丞同知大都督康  
茂才張興祖兼左右率府使大都督府副使顧時孫  
興祖兼同知左右率府事 僉大都督府事吳楨耿炳



文兼左右率府副使御史大夫愈和兼論德御史中丞  
丞基溢兼贊善大夫治書侍御史文原吉范顯祖兼  
太子賓客論之曰朕東宮不別設府僚而以卿等兼  
領者蓋軍旅未息朕若有事於外必太子監國若設  
府僚卿等在內事當啓聞太子或聽斷不明與卿等  
意見不合卿等必謂府僚導之嫌隙易生朕所以特  
置賓客論德等官輔成太子德性且選名儒爲之賓  
客昔周公教成王克詰戎兵召公教康王張皇六師  
此居安慮危不忘武備蓋繼世之君生長富貴泥於  
安逸不諳軍旅一有緩急罔知所措二公所言不可

忘也是年 上命選國子生國琦王璞張傑等十餘  
人侍讀書禁中琦等入對謹身殿姿狀明秀應對詳  
雅上喜因謂殿中侍御史安慶儒士郭淵友等曰吾  
觀諸生於文藝素習矣然與太子處當端其心術養  
其德性庶不流於浮靡太子之德亦當有助因厚賜  
之未幾以梁貞王儀爲太子賓客秦鏞盧德明張昌  
爲太子諭德先是建大本堂取古今圖籍充其中徵  
四方名儒教太子諸王分番夜直選才俊之士充伴  
讀 上時時賜宴賦詩商確古今評論文字無虛日  
命諸儒作鍾山龍蟠賦置酒歡甚又自作時雪賦賜



東宮官服令三師賓客諭德朝賀東宮東宮答拜二  
三年命東宮及王府官編輯經史古人行事可爲鑒  
戒者訓諭太子諸王四年春製大本堂玉記賜太子  
十年六月令自今政事並啓太子處分後奏聞因諭  
曰人君治天下一日萬幾自古創業之君歷涉勤勞  
達人情周物理故處事咸當守成之君生長富貴若  
非平昔練達少有不繆者故吾特命爾日臨羣臣聽  
斷諸司啓事以練習國政惟仁不失於踈暴惟明不  
惑於邪佞惟勤不溺於安逸惟斷不牽於文法凡此  
皆心爲權度凡人雖有明敏之資自非歷練臨事率

命儒  
臣爲  
太子  
講大  
義

意而行未免有失知悔而改亦已晚矣吾自有天下  
以來未嘗暇逸於諸事務惟恐毫髮失當以負上天  
付託之意戴星而朝夜分而寢爾所親見爾能體而  
行之天下之福吾無憂矣時令儒臣爲太子講太學  
衍義二十二年置詹事院上諭吏部侍郎侯庸曰輔  
導太子必得忠正賢良之士以兵部尚書唐鐸兼詹  
事二十四年八月勅太子巡撫陝西上意欲都陝西  
遣太子相宅也旣行使諭曰爾自幼至長未嘗遠出  
今命爾巡行陝西方渡江天道赫然有變雷起東南  
爾征西北以造化言之雷天威也爾前行雷後從威



震之兆也然一旬之間久陰不雨占法主陰謀事爾  
宜慎舉動節飲食嚴宿衛親君子遠小人務在存心  
養性施仁布惠以回天意雷之嘉兆未可恃也爾其  
慎之比還獻陝西圖遂病病中上言經略建都事二  
十五年四月丙子卒上慟哭命禮官議喪禮戊寅  
上御東角門召諭廷臣吾老矣太子不幸命也大哭  
而退既公除 上不忍禮官請之始鳴鐘鼓朝京者  
老上香慟哭 上亦哭諭曰爾念太子意良厚顧農  
事方興諸父善勤生亟歸勿失時諸未至者諭朕此  
意八月庚申祔葬孝陵東謚懿文冊曰朕惟先王之

典生既有名歿必有謚名所以彰德謚所以表行故  
行有大小則謚有重輕此古今通義雖在至親不敢  
廢也爾皇太子標居位二十有五年分理庶政裨贊  
弘多今焉永逝特遵古典從公議賜爾謚曰懿文嗚  
呼德以名彰行因謚顯公論所在朕何敢私建文元  
年追尊爲孝康皇帝廟號興宗靖難後復稱懿文皇  
太子太子元配常氏開平王女太子旣立 上念王  
有大功早卒遂冊其女爲皇太子妃先太子數年卒  
謚懿敬建文君卽位追尊爲孝康皇后靖難復稱懿  
敬皇太子妃太子繼妃呂氏生建文君妃父本壽州



人仕元爲元帥府都事丙午歸附爲中書掾史累官  
吏禮二部尚書出爲都轉運鹽使終太常卿本無子  
洪武中卒建文君卽位尊妃爲皇太后靖難兵入金  
川門遣人迓太后太后至 成祖述不得已起兵之  
故太后還未入宮宮中火起建文君遜去建文四年  
七月隨其子敷惠王允熙居太子陵

五口學編

### 秦王傳

鄭曉

秦王棧洪武三年年十五受封二十三而之國西安  
初聘元河南王王保保女弟繼妃寧河王女也王生  
而岐嶷嚴毅英武 上委以關西兵事得專行賞罰  
歲秋巡邊大將皆聽節制御軍整肅所過秋毫無犯  
未嘗妄戮一人二十七年征降西番賜璽書賞賚萬  
計時露宿山野邁疾尋卒在位二十七年年四十  
上命禮部尚書任亨太定喪禮謚愍愍王六子長尚  
炳二十八年嗣在位十八年卒謚隱次永興簡懿王  
尚烈保安懷僖王尚煜興平恭簡王尚炳永壽懷簡



王尚烜安定王尚炆尚炳子志垣永樂十年嗣在位  
十三年卒謚僖無子庶兄志均永樂二十二年以渭  
南王進封王請長興侯故宅處諸弟又請選良家女  
入宮令擇護士家女酬直勿抑勒在位三年卒謚懷  
妃張氏未婚而寡宣德元年令人宮守王服無子弟  
志潔宣德三年以富平王進封王四年坐罪辭三護  
衛在位二十八年卒謚康志潔宜川莊靖王也康王  
五子長公錫天順二年以秦世子嗣在位二十九年  
卒王好文睦族知禮謚惠公鍵未封卒公銘臨潼惠  
簡王嘉靖十七年以孫秉機嗣王追封秦安王公鏜

邵陽惠恭王公鏜汧陽端懿王惠王四子長誠泳成  
化四年以鎮安王嗣在位十一年卒王好書崇儉有  
禮謚簡誠滄誠河誠淖皆未封簡王無子安王六子  
誠深嗣臨潼王謚和僖嘉靖十七年以子秉機嗣王  
追封秦莊王誠潤誠浩誠澈誠波誠注皆鎮國將軍  
莊王二子秉機以嗣臨潼王弘治十三年封王在位  
二年卒謚昭昭王三子長惟焯正德四年嗣次惟燁  
次未名王請潼關以西鳳翔以東河塽地曰皇祖  
以賜臣先王棧也戶部尚書梁材執議曰陝西外供  
三鎮內給四王民困已極視國初生產物力千萬不



侔豈得空地更給諸王 上從材言不許王早失父  
母育於簡王妃廖氏廖妃卒王喪如禮事其生母蕭  
妃孝謹守臣以王謹身脩行聞遣勅使持幣旌王嘉  
靖二十年上黃金千兩白金萬兩助建宗廟 上喜  
加祿歲二百石贈玉帶一吾學編二十三年卒謚定  
無子安王庶一子鎮國將軍誠潤卒追封臨潼王子  
鎮國將軍秉柎亦卒子奉國將軍惟爓子鎮國中尉  
懷捲奉 勅主喪理府事捲乞讓父 世宗允其請  
後禮官謂捲以姪承叔居內奉嬪天序人情無往不  
順爓以兄繼弟殊有未安遂罷爓歸第尋卒捲二十

七年進封嗣贈曾祖恭王祖順王父端王四十五年  
卒子敬懿封隆德王隆慶三年嗣萬曆四年卒謚  
承休王十寅  
枝繩藝齋

### 秦愍王

諱棧乃 太祖高皇帝嫡第二子洪武三年始封為  
秦王洪武十一年四月十一日之國陝西洪武二  
十八年薨謚曰愍 王嚴毅英武 高皇帝命以關  
西軍事得專刑賞歲時躬巡邊塞自大將軍以降皆  
屬節制有軍功者先擬拜封然後以聞御軍嚴甚所  
過秋毫無敢犯然未嘗妄戮一人故戎狄威畏軍兵



倚以爲重洪武二十七年西藩負固弗庭王奉命  
征之多所擒獲番首窮迫率其衆詣伏下降遂受約  
束朝貢至於今不絕當出兵時多露宿野因邁瘴  
癘力疾破賊而還捷聞 聖書嘉獎賞賚以億萬計  
越明年薨

### 秦簡王

諱誠泳乃 惠王庶第一子弘治元年襲封弘治十  
一年薨謚曰簡 王少卽知檢長自矜持非法不服  
非禮不蹈言雖小必踐行雖小必謹聲色歌舞貨利  
畋獵澹然無所好刑于之化洽於賢妃恭敬惠慈以

仁逮下宗室之化自郡王而下至於將軍中尉不問  
尊卑族屬皆循矩蹈護不敢以非義聞於其側蒞廟  
社祀事必恪接臣僚有禮御下甚寬人有小過務爲  
包含觸法抵禁付之有司不輕有假貸自奉儉素居  
常布衣蔬食有患孤苦施予無吝秦川數百里多  
欽賜府地軍民佃以爲業天時小歉輒減租稅之半  
或盡蠲之喜接文儒士夫話談竟日疊疊忘勞凡異  
端曲士攜術以干者卒無所售喜讀書凡六經子史  
百家無不徧閱一目悉記善作詩每遇花辰燈夕請  
藩臬及關中縉紳宴飲賡和有經進小鳴稿行於世



長安有魯齋書院久廢弘治丙辰提學邃菴楊公欲復之故址半爲民居王聞乃易隙地一區建正學書院旣成爲文記之又於府西建立小學凡軍校子弟之秀者命文臣教之嘗自課試有益者送有司考入庠由是科不乏人

王府護衛子弟得入黌宮自秦簡王始

朱謀埠藩獻志

### 秦定王

諱惟焯乃昭王庶第一子正德四年襲封嘉靖二十三年薨謚曰定王少失怙依祖母簡王妃廖氏撫育成立王性淳篤不尚浮華服膳恒儉素若韋

布嘗言君恩莫報每詰旦焚香望闕祝曰壽與夫

齊永爲萬邦主鞠躬舞蹈若對天顏事祖母廖

氏盡色養晨昏定省必恭謹事無大小請命後行節

朔禮宴縉紳儀度閒雅不輕言笑諸縉紳敬之生平

循理樂善稽古右文先是關中故無史記王乃求善

本刊之成趣軒中俾學士家便觀焉卽東平何讓侍衛子弟遴其俊秀者乃設學陶育之故人才奮起不乏科第優恤軍校者幼者蠲其賦周人之急助人之喪惟恐不及大旱王齋沐禱於神甘霖卽霈越歲再不雨禱輒應其積誠動神如此王有玉絛鈎素佩而



珍愛者侍從誤墜地而毀衆侍驚怖王曰數也竟不  
改容亦不言侍從過嘉靖十九年巡撫都御史趙廷  
瑞巡按御史張光祖遵 詔上其行奉 世宗肅皇  
帝勅諭旌之仍命有司建坊牌於靈星門扁曰忠孝  
尚義賢德著聞

汧陽安裕王誠洌

汧陽安裕王誠洌秦康王諸孫也事父端懿王暨繼  
母以孝聞視寢問安晨夕不怠弘治乙卯端懿遘疾  
甚王衣不解帶食不變味湯藥必親嘗而後進之每  
夜稽首北辰乞以身代端懿薨王枕塊寢苦盡斷酒  
肉雖醯醬鹽酪不入口將葬霖雨王禱之而霽葬已  
霖復大作明年墓上嘉禾生一本雙穗嘉瓜二實共  
蒂所植墓樹挺秀不萎慈烏異鳥環集其間王竟喪  
衰麻不去身獨處齋室以母馬妃早薨不逮已養追  
服蔬食者復三年弘治辛酉冬雪中萱草有華人咸  
謂孝感所致王爲長子時娶夫人王氏先卒遂不再  
娶秦定王以王孝行 上聞弘治十五年 賜勅嘉  
獎

聖不  
娶



晉王傳

晉王桐年十三受封又七年之國太原已而得罪廢懿文太子調護得還洪武三十年卒謚恭世子濟熿嗣靖難後封濟熿弟濟熿平陽王濟炫慶成王濟熿子美圭封晉世子濟熿狠戾失愛憾其父并憾濟熿不爲解喉慶成諸王日訴濟熿過於朝又誘府中官校誣濟熿罪竟奪熿爵并廢美圭爲庶人守恭王園濟熿遂得嗣王益驕橫百方幽苦濟熿父子恭王有老嫗不能平走訴文皇立名獄中晉府承奉左徵問之盡知濟熿構濟熿狀卽釋徵馳驛召濟熿父子



時濟熿囚空室已十年左徵者濟熿嘗言其佐濟熿  
爲逆逮治京師府中言徵久死矣徵至一府大驚徵  
入空室解濟熿縲紲相抱持大慟濟熿自是怨望出  
悖語濟熿父子見 上行在所濟熿病憊甚 上見  
之惻然不直濟熿遂封美圭爲平陽王俾奉父居平  
陽恭王故有田在連伯灘 文皇與美圭矣濟熿奪  
不與圭聞上 仁宗再三諭濟熿還美圭不從美圭  
言連伯灘地隸平陽不隸太原因及曩誣構事 仁  
宗遣人視灘果隸平陽又書諭濟熿美圭父子困頓  
累年詩曰脊令在原兄弟急難每用吟咏感念無已

緬惟賢弟同吾此心又書諭美圭朕諭晉王讓汝田  
兄弟叔姪本同一氣姪事叔益恭愛久當憐汝濟熿  
得書又聞 朝廷賜濟熿王冠服遂廣致妖巫府中  
造呪咀事 仁宗崩又不服喪 宣宗卽位憐濟熿  
父子時時問勞濟熿呪咀事益露踪跡自度罪不可  
解遣人結高煦謀不軌日夜造兵器寧化王濟煥告  
變 上曰勿洩擒高煦又得濟熿與交通書 上又  
曰勿洩濟熿固自知益反側不安其所遣詣高煦人  
又走 京師首服內使劉信又奏濟熿擅取屯糧十  
餘萬石給護軍欲反應高煦并呪咀事寧化王又言



濟熿毒弑其母濟熿始懼辭王爵及護衛不聽遺書  
及勅符名濟熿至示以諸所發奸逆狀濟熿伏地頓  
首言臣罪萬死 上書諭諸王去歲高煦反罪人既  
得奸黨人皆言趙晉二王實與謀予未忍信今晉府  
人累上告變徐察之有驗不誣趙王自知事不可掩  
已辭護衛濟熿得罪 宗社不敢以私親廢大義謹  
遵 祖訓免爲庶人屏之鳳陽誅其同謀及妖巫數  
人恭王妃在晉府者令美圭迎平陽奉養復濟熿晉  
王卒謚定美圭正統初嗣王卒謚憲子鍾鉉嗣卒謚  
莊奇源世子未嗣卒以孫嗣王贈晉靖王靖王子表  
榮世孫未嗣王卒以子嗣王贈晉懷王懷王知焯以  
世曾孫嗣卒謚端姪新塏以新化王庶長子嗣王新  
化王者晉靖王次子表榦也謚恭裕恭裕王子端和  
王知燭端和王二子新塏新塏端和王卒晉王請端  
和王庶長子新塏嗣新化王未封而晉王卒無子晉  
靖王庶子榮澤王表榦與新化諸王皆晉王叔兄弟  
也曰嗣王者非新塏卽新塏然皆幼攝府事則我長  
晉王妃王氏曰晉王無後次及新化王新化王父子  
卒有孫新塏在也卽名入府拜几筵爲後行喪榮澤  
王忿我叔父行顧不得王新塏端和王長子長子不



得爲人後新塏宜嗣新化王新塢嗣晉王禮也疏下  
禮部議新塏宜嗣晉王俟服闋請封又言制親王絕  
郡王以序繼親王爵其郡王不得復請繼封次子止  
封鎮國將軍新塏得嗣晉王贈父晉康王 吾學編  
王年老有疾無子萬曆二年請以鎮國將軍新塢子  
輔國將軍慎鏡爲嗣 上允入府侍湯藥 承休王長  
子寅枝繩螿錄

### 晉莊王鍾鉉

晉莊王鍾鉉憲王之子 高皇帝曾孫也正統七年  
以榆社王進封弘治十五年薨在位六十一年壽七

刻寶  
賢堂  
法帖

十五王好博古喜法書嘗以絳帖歲久斷脫令世子  
奇源采舊所藏古今名人墨跡摹刻以傳號寶賢堂  
集古法帖弘治九年表上之 孝宗賜勅嘉獎世子  
世孫皆先卒世曾孫如烱嗣位是爲端王端王亦好  
文雅嘗校漢文選唐文粹宋文鑑暨 世宗御製敬  
一箴雕梓進 覽嘉靖八年上之賜勅勉以經學事  
嫡母郝妃生母彭氏夫人以孝謹聞母妃薨號慟幾  
絕執喪盡禮有素芝產寢宮中白鷗盤王所止撫臣  
上其事 賜勅獎諭

### 慶成端順王奇渚



慶成端順王奇瀆晉恭王玄孫也弘治十二年襲爵  
 正德中以賢孝聞 賜勅褒獎嘉靖十一年薨子表  
 樂嗣爵是為恭裕王王樸茂寡言篤於孝友好文謹  
 度譽動國中嘉靖三十年冬王壽八十撫臣王崇上  
 疏乞旌表詔賜書嘉獎賚以金幣尚書王瓊嘉靖初  
 上言慶成王生子七十人吳郡王世貞著 皇明盛  
 事述稱慶成王生百子長封王餘九十九人並鎮國  
 將軍每會紫王盈坐至不能相識而人皆隆準極異  
 事也考其世蓋端順王云

西河恭定王奇溯

孝感  
甘泉

西河恭定王奇溯晉定王之曾孫也父順簡王方王  
 歲稍稍長問父所在不得即知痛哭刻旃檀為順簡  
 像祀之母葉夫人嘗病渴中王稽顙禱天俄有甘泉  
 自地涌出夫人飲泉病良已母卒哀毀骨立官墀古  
 栢忽生奇花兩頭異香襲人嘉靖三十六年壽七十  
 有六薨子表相嗣爵亦以孝聞

俱藩獻志

輔國將軍奇添慶成靖恭王之孫也娶夫人王氏而  
 添早卒夫人奉姑毓子備嘗勞瘁孀居六十餘年逮  
 見孫曾四世嘉靖三十九年五月山西撫按疏其節  
 孝乞賜旌表從之時年八十矣恭人賀氏慶成鎮國



悍婦命

中尉知煇配也嘉靖三十七年春知煇病甚恭人極意侍左右知不可起欲先死以殉雉經焉侍兒救而止尋取瀕一勺咽之左右復救奪恭人曰瀕毒人臟腑無可救理即可救亦復尋死遂閉口絕食飲竟與其夫同時卒慶成王表樂以聞請賜旌表禮官按典故無旌命婦例世宗皇帝嘉其節特許旌之謚曰貞烈恭人

周王傳

周王橚秦晉二王皆高皇后子周王育於孫貴妃妃卒服以慈母斬衰三年主喪事洪武三年封吳王國錢塘工部尚書張允請建諸王府上曰吳府且勿建七年置杭護衛上以浙江財賦地不可封王罷護衛十一年改封周王國開封府即宋故宮為府二十二年王棄其國來鳳陽遷之雲南未行還原國建文中人告王反建文君命曹國公即訊景隆大索金寶王不能應坐王反王至京竄雲南諸子並別流放已而名還南京靖難兵入金川門王與齊王見



獻 虞 支子 不得 祭 太 祖

成祖且拜且哭因並轡行登樓相慰又哭遂得復封  
王加祿五千石以開封圮於河改建邙洛陽已而又  
還開封封其長子有燉為周世子有勲汝南王有烜  
順陽王有燿祥符王有熺新安王有光永寧王有燭  
汝陽王有燠鎮平王有焮宜陽王永樂二年來朝獻  
騶虞八年請祀 太祖國中 上書諭支子不得祭  
太祖王國祖始封之君不許已而數有過 上輒  
赦不問有告王反者遣都御史王彰諭意王大懼上  
還護衛 仁宗即位加祿五千石通前二萬石卒謚  
定子有焯嗣宣德元年王請請 闕謝諸弟封不許

止弟汝南王有勲數誣王 上為書諭王先是有勲  
與有熹素惡有燿為與趙王書刻祥符王印記封識  
置彰德城外道傍都指揮王友得書聞上 宣宗疑  
有離間逮友訊無迹名有燿至曰必有勲也為此書  
者又名有勲訊服詞連有熹有勲志行故不臧少與  
高煦善建文中嘗告父定王反定王竟囚繫除國靖  
難後始釋遂乞誅有勲 上遣有勲去雲南居大理  
後定王老始歸河南有熹喜生食人腦肝膽薄暮每  
伺人過門輒誘入殺而食之以故其邸前日未晡即  
斷行迹 宣宗惡有勲有熹免為庶人畱有熹居京



師已復爵有燉卒謚憲弟祥符王有燿嗣景泰三年  
 卒謚簡子世子子垕嗣卒謚靖無子弟通許王子墜  
 嗣卒謚懿子同鏣嗣卒謚惠子安潢世子卒以子睦  
 備嗣贈周悼王睦椿卒謚恭世子勤熄未嗣卒世孫  
 朝垌迎 駕加祿歲三百石贈金幣嘉靖十八年嗣  
 王二十一年巡撫魏有本上言河南諸宗人缺祿米  
 三百萬石諸將軍安淄等五百人譁椎行臺門凌逼  
 撫臣安淄坐革為庶人二十一年王及宗人獻白金  
 六千兩助修 太廟賜玉帶一圍衣一稱 吾學編  
 三十年卒謚莊子鈺嗣四十二年生嫡子肅溱隆慶

六年封世子 藩獻志

周定王

周定王諱櫛 高皇帝第五子始封吳王洪武十一  
 年改封周王國開封建文中以猜忌大藩竄王雲南  
 成祖靖難得復爵永樂二年獻頌九章及佾舞王  
 與 文皇帝同母 高皇后特見友愛歲時問遺不  
 絕嘗以汴梁患河水將為王營宮洛陽永樂三年王  
 上書言汴梁水去隄防稍固第乞修舊宮以居免勞  
 民力 上善之遂罷洛陽役六年王遣儀賓春進野  
 蠶繭永樂十四年上疏辭所賜在城稅課十九年春



以奄三告王不軌名至京師王遂奏納三護衛而還  
洪熙元年薨王嘗以國土夷曠庶草蕃廡多可佐饑  
饉乃購諸田夫野老得甲坼勾萌之物四百餘種植  
圃中躬自辨別察其滋長成熟繪圖而注疏之作救  
荒本草四卷博物者資焉王之子十有五人皆襲珪  
組受茅祚今周藩衆爵五千有奇視他邦獨盛論者  
以爲定王宅心仁惠功造本草有以昌其後葉耳世  
子有燉嗣立是爲憲王

周憲王有燉

周憲王恭謹好文辭兼工書畫著誠齋錄樂府傳奇

若干卷又集古名蹟十卷手自摹臨勒石名東書堂  
集古法帖適麗可觀所製樂府新聲大梁人至今歌  
舞之正統四年薨無子妃鞏氏暨牛戴韓歐陳李六  
夫人同日自經以殉 詔謚妃貞烈六夫人貞順附  
葬憲園弟有燿以祥符王進封爲簡王

鎮平恭靖王有燿

鎮平恭靖王有燿周定王第八子也母周夫人建文  
庚辰八月生王於雲南蒙化 文皇帝卽位復定王  
封王方數歲封鎮平王稍長嗜學工吟咏兼通書畫  
凡騎射鞠蹙諸伎藝靡所不習嘗讀中庸默有悟解



作道統論幾萬言又采歷代公族賢者自夏五子迄  
金元百餘人作賢王傳若干卷著德善齋詩集菊圖  
譜壽七十三薨子榮莊王子埃嗣

博平恭裕王安洩

博平恭裕王安洩周惠王第十三子惠王之子二十  
五人而恭裕獨以文雅得譽嘗修東書堂法帖輯貽  
後錄養正錄錦囊詩對諸書勤於治生田園僮奴車  
馬甚具以故遊豪貴致賓客縉紳載筆之士自遠慕  
義鮮不日造其門王傾已延納之其時次第名德者  
必首曰博平博平云

南陵莊裕王睦楨

南陵莊裕王睦楨周悼王第九子也好文雅敏達自  
識嘉靖四十一年冬御史林潤上書言天下財賦歲  
供京師米計四百萬石而各藩祿至八百五十三萬  
石山西河南存留米二百三十六萬三千石而宗室  
祿米至五百四萬石卽無災傷蠲免歲輸亦不足以  
供宗祿之半年復一年愈加蕃衍勢窮弊極將何以  
足支請令廷臣公議觀勢會通以垂萬世之利事下  
諸王計議明年冬王條上七議請立宗學以崇德教  
設選科以省祿費嚴保勘以杜冒濫革冗職以除素

上宗  
議七



餐戒奔競以息饕貪准拜掃以廣孝思立憂制以省  
祿費 詔下廷臣叅酌之其後諸藩遂稍稍陳說利  
病尚書李春芳集而上焉乃頒宗藩條例王薨無子  
爵除

鄆陵四輔國將軍同

四輔國將軍同鄆陵 安僖王孫也 安僖王四子  
四曰某封鎮國將軍鎮國亦四子四者四輔國十歲  
以例封祿歲八百石貴矣然純慎不以地高人而好  
詩書樂與衣冠徒遊嘗讀前史覽功名之會輒撫卷  
慨然而歎曰嗟誠使某備一官更生普鼎敢多吾哉

又見豪貴人千金飾狗馬衣裘聚名姝罔費惜及義  
施顧一錢忍弗能與則又歎曰雙火一膏兩斤獨木  
是速滅之道耳且貧富命也孰有義而損者邪於是  
婚喪弗舉者輔國見之輒與醵酒或棺人曰輔國壽  
揆厥心行永之占也居無何輔國病歿矣年四十一  
耳於是豪貴人反以輔國爲口實相語匪火自焚匪  
斤自槌

俱落獻志



勅賜崇孝祠碑奉國將軍安河 張時徹

國朝以孝治天下風行方域烝烝乎乂哉于時肺附  
之藩罔不灑濯以承休德而奉國崑崙公則尤黠黠  
篤詰云此非獨蒞芷之薰也 亦性靈淑懿有以本  
之者焉公諱安河字應清 高皇帝六世孫而周定  
王之裔也定王生鎮平恭靖王恭靖王生鎮國將軍  
子圻子圻生輔國將軍同轄娶夫人賈氏而公則其  
長嫡也方生適新作之門輔國筮之曰高門有亢龍  
曜其祥翼翼將將其令其昌斯 殆不虛而光者乎睟  
而示之百物目屬者頃之左執 易右秉豆諸麗好無



以易也卽嬰時不戲狎稍長受書於外傳卽記卽解  
旁通子史百家言曰吾以代狗馬毬博之娛耳賈夫  
人素多病病則左右日夜侍衣不弛帶目不交睫至  
嘗溷以驗差否不愈則割股和糜以進凡若此蓋不  
可殫而述也比卒痛毀骨立蔬食水飲者終三年不  
一履於燕室時輔國倦勤勅斷家事惟讀書驩賓客  
自喜而公養志無方購圖史作園亭延四方之遊日  
夕燕嬉以爲快已而輔國病風展轉床褥公侍之一  
如侍賈夫人勞悴百至矣旣差而興有烏數千翔繞  
於庭久之不去人謂孝所感也於時宗屬白其事於

周王轉疏以聞撫按官相繼上書闕下

肅皇帝嘉

之遣行人齎璽書旌焉嘉靖辛酉公乃不祿周王奏  
曰伏見奉國將軍安河性資醇謹孝友夙成以居喪  
則類乎羔柴以養志則合於曾子諸凡懿誠語在臣  
等奏旌孝行疏中今各郡府宗室儀賓暨內外輔導  
官合詞具啓乞轉奏立祠表揚及據伊男鎮國中尉  
睦榑啓稱故父平生慎約纖芥不敢瀆官擾民儻徼  
天之靈蒙聖慈俞允俾榑得自建祠上以對揚昭代  
之彝典下以不拂先人之夙心則先人死且不朽榑  
亦死不朽各啓至臣臣目擊盛美何敢蔽賢輒冒昧



以聞皇帝若曰嘻休哉宗賢篤厲至行亢人道之紀  
匪祿爵是勸惟德攸勸余一人丕用嘉悅其亢王所  
請賜祠額曰崇孝命旣下睦樸乃相土景卜鳩工蕝  
事而其地適包孝肅于肅愍二祠之中德隣不孤蓋  
若天所授云祠爲勅諭亭若干楹碑亭若干楹堂若  
干楹門若干楹若厨庫齋溷之所畢具稱備矣中尉  
君乃不遠數千里徵文於余余不佞嘗讀歷代諸侯  
王傳而有感焉若河間東平之風卓乎不可尚矣白  
餘或以驕縱殺身或以奢淫殄世其始意蓋謂社狐  
之不可灌屋颺之不可薰耳至一犯吏議有司得執

文法相責訊不必郅都之爲中尉而禍始酷也若中  
山靖王勝之奏對至今讀之猶爲酸鼻焉今奉國崑  
崙公無所勸而爲善無所創而不爲不善諸細小不  
論乃其惇百行之首作範侯服受一人之褒天章屢  
頒宣茂實而流景譽豈其微哉公子六人長卽西亭  
君睦樸次睦寀睦誦睦採睦樹睦槩俱封鎮國中尉  
咸世厥德而睦樸尤以經術行誼推於縉紳公之卒  
也盡以先業讓諸父昆弟而睦樸亦以父業讓諸母  
弟繩武象賢蓋古今所罕儷云詩曰孝子不匱永錫  
爾類其崑崙公之謂乎又曰教誨爾子式穀似之其



西亭君之謂乎

明周藩宗正鎮國中尉西亭公神道碑

張一桂

萬曆丙戌秋七月戊午宗正西亭公以疾卒於邸第  
年七十矣其門下士鎮國中尉睦耒等走兩臺頌公  
功德者五百人督撫衷公直指徐公疏聞於朝請  
祭葬賜謚爲宗盟勸天子震悼下宗伯議如兩臺  
言制若曰睦樛學行素優其加祭給水衡金錢其  
葬事蓋異數也語稱得全全昌公庶幾無憾者而縉  
紳大夫若士民猶環顧咨嗟而歎曰天胡不憖遺令  
公百歲也則又曰疇復有閱覽博物蜚聲藝苑如公



者乎公妊十四月而生有貴徵少端穎朗詣李公獻  
吉一見大奇之曰此飛兔也老夫且瞠乎絕塵矣稍  
長學無所不闕劇意古作者與閩王道思越陳約之  
結社講藝甚驩所結撰出無經而走縣宇執牛耳詞  
壇者五十年如一日也則又曰疇復有闡明經術羽  
翼聖真如公者乎公初工制義已歎曰揚雄非醇儒  
也猶恥繡鞶悅爲名高乃覃精於經學當是時衛君  
聘名能易和太芳名能書周伯昌名能詩周涿之名  
能春秋許守謙名能禮此數先生者皆河洛間宿儒  
也公先後從之遊蓋年二十通五經而尤邃於易春

秋其學不顯守師說聚漢以來諸傳注日夜繙究  
求不詭於聖人謂春秋非獨爲攘夷復讐立案也乃  
自爲傳以明筆削之旨易初主王弼後復取鄭玄謂  
鄭學莫備於唐李鼎祚因刻其集解以傳高陵呂仲  
木仲梁與公講易東坡上驚曰子輔嗣流也新鄭高  
公問易之大義云何公以退對高公恍然有間曰四  
聖之精蘊備是矣其爲名碩所推許如此則又曰疇  
復有肫肫孝友內行修潔如公者乎公幼有至性事  
父崑崙公晨昏不離側疾則嘗便顛天斲代者數矣  
喪三年居於外有弟五皆從公受經先世產盡推遺



之立祭田於白塔原歲時伏臘必合族祀先祠下退  
燕於寢以爲常卽諸儒習禮家亦自謂弗及也則又  
曰疇復有馴行好修蟬蛻塵埃之表如公者乎梁緣  
信陵遺風諸王孫不養雞而鬪則從毛薛把臂爲豪  
舉耳公生貴年十五封鎮國中尉受世祿顧矚然不  
滓被服如儒生海內藏書家推江都葛氏章丘李氏  
公盡購得之起萬卷堂日諷誦其中居恒以道德爲  
膏梁以禮藝爲園圃一切芬華聲色之好視猶土苴  
也則又曰疇復有裒韞經濟明習當世務如公者乎  
嘉靖中大盜陷歸德掠諸邑兩河震恐中丞衡水楊

議河

公訪於公公借著圖方略調兵食已次第條上數事  
楊公從其策賊遂平復懼株連者衆請楊公毋以大  
逆聞又從之所全活者幾萬人楊公悉公才可大用  
援 祖訓薦於朝格不報中丞章公將改黃河偕公  
行視其可否公徐曰河鑿而南且入泗得無爲 皇  
陵虞乎章公愕而止未幾河決將灌大梁章公督塞  
終日水益急公載緡錢牛酒往勞之因說以及水所  
未嚙闕地樹木捷土石築焉河立塞其他諸公過而  
抵掌促膝所裨益者固更僕未易詳矣則又曰疇復  
有躬躬自牧折節賢士大夫如公者乎公名益重遊



道益廣座客常滿客擔簦造門率館穀之馮軾結鞠  
過梁者必傾蓋造公其或未至亦千里定交竿牘問  
訊無虛日若歷下李于鱗吳郡王元美蜀張肖甫楚  
吳明卿越徐子與汝南張助甫皆操風雅權睥睨一  
世而皆與公稱莫逆相引重云則又曰疇復有循循  
善誘篤老不倦如公者乎初宗學建 詔博求可爲  
宗人師表者中外咸推穀公遂拜宗正之 命蓋又  
六年宗學成而公始視事念身爲大藩祭酒感奮圖  
報稱布功令嚴科條擇諸生秀敏者占一藝講授以  
時於是絃誦之聲徹於朱戶斷斷如也癸未夏宗祿

之議起公議不合遂引疾乞休 上以篤行博聞  
畱之不允丙戌再疏申前請復勉畱不允公益感奮  
圖所爲報稱者而疾作矣病中猶彊起著周乘訓勅  
門弟子如平時豈所謂任重道遠斃而後已者歟已  
復咨嗟歎曰天胡不憖遺令公百歲也蓋公旣寡嗜  
欲而又善養生家言丹顏黃髮人方望之如魯靈光  
巋然常存何論百歲也而今已矣則豈惟縉紳大夫  
士民哉蓋天下共惜之公所著經學有五經稽疑授  
經圖雜著則陂上集中州人物志忠臣烈女傳 大  
明帝系周國世系遜國紀纂中州文獻志訓林河南



通志周乘開封郡志共若干卷行於世卒之再踰年  
戊子冢嗣勤羹卜以十一月十一日葬公白塔之原  
業已乞衷公銘諸墓而屬余以隧道之石曰先志也  
余旣感公高誼而重冢嗣請不可以譏譏辭按狀公  
字灌甫學者稱西亭先生晚築精舍城東陂上又自  
號東陂居士卽與呂仲木講易處也父奉國將軍豫  
齋公同鎡輔國父曰鎮國將軍子圻鎮國父曰 鎮  
平恭靖王恭靖王者 高皇帝孫 周定王少子也  
蓋以文行嬗其家者數世而大昌於公配恭人梁氏  
蘇氏俱先公卒繼李氏丈夫子一卽勤羹封輔國中  
尉有父風蘇恭人出娶李氏封宜人女子二長適金  
吾指揮袁學端蚤卒次殤孫男子一朝越未聘孫女  
子一許字劉耀祖 明興周宗最盛翩翩多文藻若  
倡明經術者自公始稽古禮文二百年而有宗學膺  
其任者亦自公始乃譚者率謂公今之劉向較其用  
不用以爲恨夫向誠用矣顧其言枘鑿不相入卒弗  
獲如公之爲宗正而坎壈竟其身公則乘時受任舉  
生平所醞籍者究宣之而始終恩禮爲極備向用而  
不能行其言公不用而能行其學人或知向用之爲  
不用而未知公不用之爲用也寧以此易彼哉第易



名之典羣情若歆然望於太常者夫謚法不有道德  
博聞勤學好問爲文者乎又不有純行不爽一德不  
懈爲定爲簡者乎竊觀 天子所褒嘉公者非一不  
曰篤行博聞則曰學行素優在公爲不用之用在  
天子爲不謚之謚華袞一言不朽千載矣公卽弗百  
歲何歎也系以銘曰 大明中天泱泱嵩河爲周賜  
履爰有鎮平世德作求奕葉濟美公乎嶽降姱節樹  
惇學探宛委載道者經異說焚如經殘教弛公折其  
衷譬彼登岱羣山嶸嶸 帝選於衆詢謀僉同以教  
胄子若金作冶若器作型譽髦多士多士伊何習易  
奇表文羞骯骯狂瀾東奔誰其挽之繫公是恃公曰  
老矣乞臣之身知足知止 帝曰休哉汝予宗老汝  
其彊起偶罹霜露何恙不瘳忽焉脫躑輟相罷春人  
苟可贖百身其以公澤在後公學在經公行在史誰  
能長生死而不朽是謂不死溫明賻祿題湊黃腸哀  
榮終始佳城鬱鬱我碑其豐詔千萬祀



楚王傳

楚王楨母胡充妃甲辰年生七年而封國武昌永樂元年世子孟烷市人河南諭世子世子來朝請葺府邸諭俟有年三年王出鐵牌開武昌城門都司聞上不許卒謚昭孟烷嗣宣德元年發楚魯二王護兵各千人征安南王請湖廣都司給護兵器五年有告王者乞減護衛三之二王宮火焚譜系符勅更給之卒謚莊季塊嗣卒謚康弟季叔嗣卒謚憲子均鉞嗣卒謚靖子榮滅正德七年嗣在位二十三年卒謚端子顯榕嘉靖元年以長樂王封世子十四年嗣



世宗南幸王至承天朝諭王曰朕有事顯陵煩王來朝感悅至意二十四年世子英耀弑之在位十年壽四十謚愍英耀伏誅先是端王妃無出次妃生愍官人田氏生次子顯槐愍妃吳氏都指揮鑑女二年生耀耀封世子配陳氏讀書居緝熙堂槐封武岡王愍宮人方三兒有殊色耀悅之用樊鸞陶元兒吳么兒通知內使張鑑門婆姚氏誘至緝熙堂蒸焉畱不返母吳覘知之言愍愍怒將陶元兒吳么兒杖殺之幽三兒姚氏北院既而獲樊鸞杖四十幽馬廐耀懼而生怨二十三年五月五日愍於墩子湖名諸宗觀競渡有妓宋么兒耀又悅之引入別亭與飲他日吳鑑病吳妃偕耀往視有劉金者嘗不悅於愍聞耀當出先期匿么兒於舍邀耀耀至鑑所以他事行至金舍與么兒爲樂居無幾遂取么兒入緝熙愍知之欲繩金金日益憂恐耀忿甚遂起逆謀與徐景榮會金等軟血爲盟約次年上元觀燈舉事正月十八日耀遂設宴請愍愍猶期迎喜神然後往時顯槐未出閣隨愍至耀所耀飲槐於夾室餉愍左右朱恩周廷瑞等五人於雪洞密鎖諸所通往來之門而所進用鳩



愍不省率云不佳猶命呼書院厨子王喜保來呼人  
方出燿舉鎗砲張貴劉金督田堯周瘦兒等撤愍座  
後梟比罟罟擁出謝六兒以銅瓜擊愍腦田堯曹景  
昂李林官保周瘦兒曹良輔夏臘兒等齊力亂打須  
臬而斃夏廷鳳等大聲呼變朱恩等驚起急來槐亦  
來孫保兒等復以杖擊槐傷左脇彭漢扶槐奔貴全  
堂避之朱恩等掇門而出登山號召將諸宮門謹閉  
却從廣智門縋城而下走報撫按是夜燿更愍衣冠  
扣入正官母吳哭謂燿曰哥哥喫穿不少如何幹這  
等事燿曰非子所爲奴儕輩勾當耳旦日殮畢出方

二兒樊鸞等取入宮又次日令長史孫立承奉張燿  
王憲等以中風報仍逼崇陽等王保奏時撫按業  
聞矣上遣府部堂上官會同撫按審勘勅

王攝理府事逮燿至京刑部會文武大小官員懇  
明白欽依將燿焚棄身屍徐景榮等凌遲孫立王  
憲等棄市顯休等革祿三分英炊顯槐降勅獎勵  
各賜銀五十兩彩幣四表裏庶三子英燿二十年王  
氏生三十年嗣隆慶五年薨在位二十一年壽三十  
一謚恭葬

妃李氏庶一子華五年胡氏生



楚昭王楨

楚昭王楨楨 高皇帝第六子也天資英睿有謀略  
洪武九年冬之國武昌數奉 命督師討平大庸靖  
州上黃諸蠻夷又討雲南阿魯禿禽之 太祖嘉悅  
洪武二十二年肇啓宗人府 命王署右宗人事已  
復征西番討道州全州桂陽諸叛虜平盧溪黔陽諸  
洞蠻夷皆有功洪武三十年同湘王征古州 上賜  
勅曰近蠻夷倡亂爾能與民同憂率護衛軍焉以征  
之豈不稱賢王哉大尊居王位安享富貴凡宮室衣  
服輿馬皆民力所供若能奮威武除民患山崩鬼神  
皆將助順之矣永樂八年冬王朝於京師 文皇帝  
以楚國無事上下相安嘉王賢能 賜優詔勞之并  
資其從官鈔人百錠文綺二襲十四年冬王復入朝  
賜予甚厚明年冬王獻馬二千匹 詔受其百永樂  
二十二年薨

武岡王顯槐

武岡王顯槐楚端王第三子也端王世子顯榕是爲  
愍王嘉靖二十四年春英耀謀弑愍王於其第飲武  
岡王別室中中飲變作從官朱恩大呼王亦奔往救  
被縱傷臂愍王薨英耀伏誅 詔書勞王賜白金三



請設宗學  
立宗

斤彩幣玄黃四襲嘉靖四十三年八月王上書條議  
藩政請設宗學擇立宗正宗表督課親郡王以下子  
第十歲入學月餼之米一石三載督學使者考績陟  
其中程式者全祿之五試而不中課則黜之槩給以  
本祿三之二終身其庶人暨妻女月餼六石庶女勿  
復加恩絕郡與罪廢者勿令濫畱轉導儀賓工價請  
一切停給免令謝恩京師廷臣集多采用其意王有  
文集若干卷今梓行

俱藩獻志



